



19. august 2022

UKA 2022/132

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Sullivimmi avatangiisit aammalu suliffimmi iluarisimaarinnineq pitsanngoriaateqarnissaanut suliniutit tigussaasut aallaavigalugit sulinngitsoortarnek qanoq annikillisarnekarsinnaaneranut Suliffigissaaneq pillugu siunnersuisooqatigiit oqaaseqaatiliornissaa anguniarlugu Naalakkersuisut peqqusinissaat pillugu Inatsisartut aalajangiiffigisassaattut siunnersuut. Oqaaseqaat suliniutit qanoq ataqatigiissaarneqassanersut atuutsinneqalissanersullu siunnersuutinik tunniussissaaq.
(Inatsisartunut Ilaasortaqaq Anna Wangenheim, Demokraatit)

Tungavilersuut

Napparsimaneq taamatullu napparsimatilluni sulinngitsoortarnek assigiinngitsorpassuartiguusinnaavoq. Nuallunneq, toqqusaarlunneq, kræft, uippakajaarneq, depression. Nappaatit assigiinngitsuuqat assigiinngitsutigullu aamma ikiorsigassaallutik. Sulileqqinnissamullu peqqissinissaaq assigiinngitsorujussuusinnaasarlutik.

Qularutigineqarsinnaanngilarli napparsimatilluni sulinngitsoortarnek namminersorlutik suliffeqarfiliutilinnut pisortaqarfinnullu aningaasartuut annertummat, taamaattumillu napparsimalluni sulinngitsoortarnek qanoq annikillisarinnanerlutigu paasissallugu pingaaruteqarpoq.

Tigussaasumik oqassagutta Danmarkimut sanilliulluta napparsimatilluni sulinngitsoortarnek qaffasinneruvoq¹. Aamma nalunngilarput Danmarkimut sanilliulluta sapaatip akunneranut suliffiusartut takinerusut. Uagut sapaatip akunneranut 40 tiimit sulisarpugut, Danmarkimilu 37 tiimit. Immaqa tamanna napparsimatilluni sulinngitsoortarnerup qaffasinneruneranut peqqutaasoq?

Island-mi suliffeqarfiit ilaasa misiliutaasumik sapaatip akunneranut 35 tiimit sulisitsisarput. Suliffeqarfiit misiliummi ilaasut amerlanersaat angusarisartakka attatiinnarneranik imaluunniit qaffariaateqarneranik kinguneqartoq ersersitsivoq².

Danmarkimi Sunset Boulevard allaffimmiui sapaatip akunneranut ullut sisamat (sap. Ak. 32 tiimit) kisimi sulisarlutik misiliutigaat. Uani ersersinneqarpoq sulisorisani 85%-ii angerlarsimaffimmi suliffimmilu nukissaqarnerulersimasut. Inernerit kinguneqarput misiliutaajunnaarluni attatiinnarneranik³.

Soorunalimi kisianni sapaatip akunneranut sulinikinneruneq sullivimmi avatangiisinut napparsimatilluni sulinngitsoortarnermut apparsaaniarnermi kisimi pitsaaqutissatuaanaviangilaq. Aamma takrloorsinnaavara suliffimmi peqqinnerusumik inuulerneq immikkut isiginiarneqarnerulissasoq. Soorli timersorneq, nerisarfimmi nerisat peqqinnarnerusut, teknikkikkut atortorissaarutit amerlanerused aammalu aqutsisugissaarneq. Suut qiviarsinnaanerigut assersuuteqarfigilaaginnarluarlugu.

¹ Akissut § 37-apeqqut normu 340-2019

² "Islandimi sapaatit-akunneranut ulluni sisamani sulisarnissamik misileraaneq iluatsilluartoq", ilanngussaq KNR.gl 6. juli 2021

³ "Sunset Boulevard indfører arbejdsuge på 4 dage". ilanngussaq finans.dk 14. juni 2022



Sullivinni avatangiisinut inatsi §§ 50 aamma 51 naapertorlugu Kalaallit Nunaannut Suliffigissaaneq pillugu siunnersuisooqatigiinnik pilersitsisoqarsimavoq. Siunnersuisooqatigiit ilaatigut suliat oqaaseqarfigisartussaavai, Naalakkersuisunit tunniussimasai⁴. Suliffigissaaneq pillugu siunnersuisooqatigiit inuussutissarsiortunit akissarsiaqartullu suliniaqatigiiffiiniit annertuunit aallartitaqarlutik ilaasortaaffigineqarmat, nalilersinnaalluarpara napparsimatilluni sulinngitsoortarnej annikillisarniarlugu sullivinni avatangiisit sulisorisasllu iluarisimaarinninnerannut pitsannorsaanissamut suliniutissanik tigussaasunik Suliffigissaaneq pillugu siunnersuisooqatigiit tunniussaqaarsinnaassasoq.

Taamatut oqaaseqarlunga Naalakkersuisut akissutaat partiillu sinnerisa oqaaseqaatissaat qilanaaraakka.

Pisortanut aningaasatigut allaffissornikkullu kingunissai

Suliffigissaaneq pillugu siunnersuisooqatigiinnut attaveqarneq ulluinnarni sulinermut ilaaginnarnissaa naatsorsuutigineqarpoq, taamaattumillu aningaasatigut allaffissornikkullu kingunissat annikinnerpaaffissaminiissallutik.

Namminersorlutik inuussutissarsiuteqartunut aningaasatigut allaffissornikkullu kingunissai

Soqanngilaq

Innuttaasunut aningaasatigut allaffissornikkullu kingunissai

Soqanngilaq

⁴ Kalaallit Nunaanni Sullivimmi Avatangiisinut Inatsi